



ՀԱՍՏԱՏՈՒՄ ԵՄ՝
Շրջակա միջավայրի նախարար
Հակոբ Սիմիոյան



« 13 » 07 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0093-22

Ձեռնարկողը՝

«ՍԱՌԺ» ՍՊԸ

Շիրակի մարզ, Գ. Բազրավան, փ. 5, պլոտ 5

Գործունեությունը՝ Շիրակի մարզի Անիի պեմզային տուֆերի հանքավայրի
«ՍԱՌԺ» տեղամասում երկրաբանահետախուզական
աշխատանքների շրջակա միջավայրի վրա ազդեցության
նախնական գնահատման հայտ
Շիրակի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող



Խ. Մարտիրոսյան

Առդիր՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ
ԹԻՎ ԲՓ 0093-22
<13> 07 2022թ.

**Շիրակի մարզի Անիի պեմզային տուֆերի հանքավայրի «ՍԱՌԺ» տեղամասում
երկրաբանահետախուզական աշխատանքների շրջակա միջավայրի վրա ազդեցության
նախնական գնահատման հայտ**

Ձեռնարկող՝
Փաստաթղթի տեսակը՝

«ՍԱՌԺ» ՍՊԸ

Շրջակա միջավայրի վրա ազդեցության
նախնական գնահատման հայտ /Հայտ/, Ծրագիր

Գործունեության տեսակը՝
Տեղադրման վայրը՝

«Գ» կատեգորիա
Շիրակի մարզ, Անի համայնք, գ. Բագրավան

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 2)-րդ կետի ա. ենթակետի՝ «երկրաբանական ուսումնասիրություններ» վերը նշված նախատեսվող գործունեությունը դասակարգվում է «Գ» կատեգորիայի:

Ներածական մաս Անիի պեմզային տուֆերի երևակման տարածքում «ՍԱՌԺ» ՍՊ ընկերության /այսուհետ՝ Ընկերություն/ կողմից երկրաբանական ուսումնասիրության նպատակով հայցվող տարածքը գտնվում է Արագած լեռան հրաբխային լեռնազանգվածի արևմտյան լանջերին, Շիրակի դաշտավայրի հարավային մասում՝ 1500մ-1520մ բացարձակ բարձրությունների վրա: Տեղամասի կենտրոնի աշխարհագրական կոորդինատներն են՝ 40°27'44"հյուսիսային լայնության, 43°33' 40"արևելյան երկայնության: Մորֆոլոգիական տեսանկյունից տարածքի հյուսիսային մասը հարթավայրային է, իսկ կենտրոնականն իրենից ներկայացնում է բլրային տարածք, որին բնորոշ է կտրտված, ոչ խորը և ջրազուրկ ձորակներ:

Նկարագրական մաս: Անիի պեմզային տուֆերի «ՍԱՌԺ» տեղամասի երևակումը գտնվում է ՀՀ Շիրակի մարզի Անիի տարածաշրջանում: Տեղամասին մոտակա բնակավայրերն են՝ Խարկով, Անիպեմզա, Բագրավան և Անի գյուղերը, որոնց հետ հետախուզվող օբյեկտը կապված է գրունտային ճանապարհներով և գտնվում է 1կմ-5կմ հեռավորությունների վրա: Մոտակա ե/գ կայարանը Բագրավանն է, որը երևան քաղաքից գտնվում է 112 կմ հեռավորության վրա:

Վարչական առումով երևակման տարածքը ներառված է Անի խոշորացված համայնքի Բագրավան բնակավայրի սահմաններում: Գործունեության համար Ընկերության կողմից հայցվող տարածքը զբաղեցնում է 3,23 հա մակերես, հողերի նպատակային նշանակությունը գյուղատնտեսական է, գործառնական նշանակությունը՝ արոտավայրերի: Դիտարկվող տարածքում ստորերկրյա ջրային հորիզոնները և աղբյուրները բացակայում են, ինչը պայմանավորված է տարածքը կազմող հրաբխային ծագման ապարների ֆիզիկա-մեխանիկական հատկություններով և բարձր ծակոտկենությամբ: Հիմնական ջրային զարկերակը սահմանային Ախուրյան գետն է, որը երիզում է երևակման տարածքը արևմուտքից և հոսում է երևակման տարածքից 160մ կտրվածքով ներքև:





[illegible]



Ռեկուլտիվացիայի նպատակով փորձնական բացահանքի անցման անմիջապես փորվածքի հարևանությամբ կուտակված հողի վերին շերտը հետախուզական աշխատանքների ավարտից հետո կօգտագործվի փորձնական բացահանքի տարածքի ռեկուլտիվացիայի նպատակով: Մինչև հողաշերտով վերականգնելը փուլտա շերտի առաջացումները հետ են լցվելու փորձնական բացահանքի տարածք: Աշխատանքների ավարտից հետո կփխրեցվեն նաև հորատման հարթակների մակերեսները:

Ռեկուլտիվացված տարածքներում կկատարվի նաև տարածքին բնորոշ խոտային բուսականության սերմերի ցանք: Վերականգնման ենթակա ընդհանուր մակերեսը կկազմի 60մ²: Ռեկուլտիվացիոն աշխատանքների իրականացման համար նախատեսվում է շրջակա միջավայրի պահպանության դրամագլխին հատկացնել 158.24 հազ.ՀՀ դրամ: Ռեկուլտիվացիոն աշխատանքները կատարվելու են հետախուզական աշխատանքներին մասնակցող անձնակազմի կողմից:

Ընկերության կողմից հայցվող տարածքներում երկրաբանական ուսումնասիրության աշխատանքների ժամանակ լցակույտ չի կազմակերպվելու և կուտակման և կառավարման ենթակա ընդերքօգտագործման թափոններ չեն առաջանա, քանի որ փորձնական բացահանքի անցման ժամանակ առաջացած մակաբացման ապարները /20մ³ հողաբուսական շերտը և 102մ³ ընդհանուր ծավալով փուլտա շերտ/ ամբողջ ծավալով օգտագործվելու են ռեկուլտիվացման աշխատանքների ժամանակ:

Հորատման աշխատանքների արդյունքում կառաջանան մաշված, որակական հատկությունները կորցրած հորատման թագիկներ: Հայցվող տարածքներում հորատումը և դրա հետ փոխկապակցված բոլոր աշխատանքներն իրականացվելու են մասնագիտացված կազմակերպության կողմից, հետևաբար Ընկերության կողմից հորատման թագիկների թափոնների կառավարում չի նախատեսում:

Մեքենաների լիցքավորման, յուղերի, քսայուղերի փոխարինման աշխատանքները իրականացվելու են Բագրավան, կամ Անիպեմզա բնակավայրերում՝ համապատասխան մասնագիտական ծառայություններ մատուցող ընկերությունների տարածքում:

Արտակարգ իրավիճակներին արագ արձագանքելու համար կարևորվում է աշխատանքներ իրականացնող անձնակազմի մոտ շարժական կապի միջոցների առկայության ապահովումը, հետախուզական, անվտանգության կանոնների վերաբերյալ անձնակազմի պատրաստվածությունը, ինչպես նաև առաջին բուժօգնության միջոցների առկայությունը:

Անիի պեմզային տուֆերի «ՍԱՌԺ» տեղամասում երկրաբանական ուսումնասիրության աշխատանքների ընթացքում Ընկերությունն իրականացնելու է շրջակա միջավայրի վրա բացասական ազդեցության կանխարգելման և մեղմացմանն ուղղված մշտադիտարկումներ, որոնց իրականացման ծախսերը գնահատվել են 350.0հազ.ՀՀ դրամ:

Եզրափակիչ մաս: Նախատեսվող գործունեության նախնական գնահատման հայտի փորձաքննությունն իրականացվել է <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի պահանջներով: Փորձաքննական գործընթացին մասնակցել են՝ Շիրակի մարզպետարանը, պաշտպանության, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, շրջակա միջավայրի նախարարության ստորաբաժանումները, որոնց կարծիքները ևս հաշվի են առնվել Հայտի լրամշակումներում: Նախնական գնահատման և փորձաքննության փուլերում, ՀՀ օրենսդրությամբ սահմանված կարգով Բագրավան համայնքում անցկացված հանրային քննարկումներում գործունեության իրականացումը մասնակիցների կողմից արժևոյացել է հավանության:



Ամփոփելով գնահատման և փորձաքննության արդյունքները, կարելի է եզրահանգել, որ երկրաբանական ուսումնասիրության ծրագրով նախատեսված աշխատանքների ժամանակ Հայտում նախատեսված միջոցառումների իրականացման արդյունքում և ստորև բերված փորձաքննական պահանջների կատարումն ապահովելու դեպքում շրջակա միջավայրի, մարդու առողջության և հնագիտական տարածքների վրա հնարավոր բացասական ազդեցությունները կկանխարգելվեն, կամ կնվազեցվեն:

Փորձաքննական պահանջներ

1. Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի՝ «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմինին»:

2. Տեղամասերի տարածքներում ըստ անհրաժեշտության՝ ՀՀ բույսերի Կարմիր գրքում գրանցված տեսակների պահպանության նպատակով «ՀՀ բուսական աշխարհի օբյեկտների պահպանության և բնական պայմաններում վերարտադրության նպատակով դրանց օգտագործման կարգը սահմանելու մասին» ՀՀ կառավարության 31.07.2014թ.-ի N 781-Ն որոշման դրույթների ապահովում:

3. Գործունեության իրականացման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը և դրանց ժամանակացույցերը: ՀՀ կառավարության 22 փետրվարի 2018թ. N 191-Ն որոշման պահանջներին համապատասխան իրականացնել նախնական գնահատման հայտով ամրագրված շրջակա միջավայրի բաղադրիչների մշտադիտարկումներ և արդյունքների տարեկան հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:

4. Աշխատանքներն իրականացնելիս պահպանել առողջապահության նախարարի 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահանջները:

ԵԶՐԱԿԱՑՈՒԹՅՈՒՆ

«ՍԱՌ-Ժ» ՍՊ ընկերության կողմից ներկայացված Շիրակի մարզի Անիի պեմզային տուֆերի հանքավայրի «ՍԱՌ-Ժ» տեղամասում երկրաբանահետախուզական աշխատանքների շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխ. մասնաճյուղի Սկրտչյան

Ընդամենը՝ 6 էջ

